

## मायनि मुंदांखा अजा

अनलायनायखौ मोनफिनाय, मोजां मोन्नायजों जुलि जानाय, बिसि-फिसाइनि गेजेराव गोरोबलायै, साखिनि जेंना, गावस्त्रालायनाय, फिसा मोनै, सुथुरनिफ्राय जानगाराव थानाय, धोन/लटारि बायदि बायदि जेंनानिफ्राय रैखा मोनो एबा जानगारआव थानो थाखाय खेबसे फन खालामनानै सुबुरुन लादो। बयजोंबो मिथिजानाय राजमुहिनी ताबिज

जगाजग खालाम: 8812007693।

## सानसेयारि

# बड'सा

सानसेयारि "बड'सा" खरीर्लाइयाव ख्माजयारि जिउजों लोब्बा थानाय रायथाय, खन्थाय, खल', खल'बाथा आबो दावबायारि थावनि, पार्क बाइदिनि सायाव लिन्नाय लिन्बिदां दैथाय हर/ खानसेयारि "बड'सा" खरीर्लाइया खेबखानावै फोखावगोन।

बड'सायाव लिन्हरनायनि हुइ खालाम, "बड'सा" खरी नोथां, जों बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodasanewspaper.com

BODOSA ★ A Bodo News Daily ★ Sunday ★ 23 March, 2025 Kokrajhar, BTC, Assam ★ Vol.-33, Issue No.351 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-



# डाक जीवन बीमा

Assam Postal Circle

8 f @ cpmgassam



गोबाई मिबिथिनो थाखाय

बेयाव मानो डाक जीवन बीमा नोंथांनि थाखाय साबसिन

बाडाइ होनाय

गोबां मोनफिनाय

► गोरोबथावै बनास: बोसोराव मोनफ्रोम 1,000 राडाव 48 निफ्राय 76 रांसिम! ► जिंगा गैये लननि खाबु  
► गासै रासि: 20,000 रानिफ्राय 50 लाख रांसिम ► फलेक्सिबेल प्रिमियम होनाय: अनलाइन/एन ए सि एड्स/दुस्स्टेप/आइ पि पि वि

► बाडाइ प्रिमियम + गोबां मोनफिनाय = साबसिन इन्वेस्टमेन्ट!

सर्कल मावरख\* 9435121802/6026177547, काचार: 8135934745, दर्: 7002512686, डिबुगड़: 8134828687, गवालपार: 8638175215, नगाव: 9706657595, नलबारि-बरपेटा: 9707461440, थिबसागर: 9101902308, तिलिचुक्रिया: 9101587077

## गिबि मन्थि ड॰ शर्माआ बिसिपिएलखौ आसामनि जौगानायनि एंकर महरै सोलायनायाव रइज्यो सरकारा मदद होनो खोथा होदों

### मोनसे नायफामफिननाय मेलखौ दैदेनो आरो धेमाजि जिल्लानि जौगानायनि सायाव सुलु लायो

दिसपुर, 22 मार्च: गिबि मन्थि ड॰ हिमन्त बिश्म शर्माआ डिब्रुगड़ दावबायनायनि थामथि सानाव दिने लेपेटकातायाव थानाय ब्रह्मपुत्र क्रेकार एन्ड पलिमार लिमिटेड (बिसिपिएल) खौ नायगिदिहैयो आरो कम्पानिनि मिरु कन्ट्रल रूम, वेथार हाउस आरो प्रडाक्शन इडनिटफोरखौ नायगिदिहैयो। बिथाड बिसिपिएलनि मावफुंनाय, फेहेरनाय सानथांखिफोर, दिहुथाय बायदि रोखोमखोबो नायबिजिरो आरो कम्पानिनि गोहो फुवारनो थाखाय राइज्यो सरकारनिफ्राय आबुं हेफाजाब होनो खोथा होयो।



बिसिपिएलआव गावनि दावबायनाय समाव बिथाड मोनसे

मेलाम बाहागो लायो आरो कम्पानीया मोगा-मोगि जानांनय

जेंनाफोरनि खौरां लायो। बिथाड मोनसे राहा नागिरनो थाखाय

सरकारनि रादाइखौबो फिन खेबसे रायखांफिनो, जाय खामानिफोरखौ अरायथा आरो मुलाम्फा गोनां खालामगोन आरो कम्पानीखौ आसामनि जौगानायनि मोनसे गोखों एंकर महरै जौगाहोनायाव मदद होगोन। बिसिपिएलआव जानाय मेलाम दारिमिन, फालांगि आरो राइज्योआरि फालांगि बिफाननि मन्थि बिमल बरा, मोब्लिब गोहो मन्थि प्रसान्त फुकन, आसाम दावबायारि जौगाखां निगमनि मासिगिरि रितुपर्णा बरुवा, बिसिपिएलनि

(□ 6 बिलाइआव)

### बाक्स जिल्ला दुलाराय बर' समाज आफादखौ दाफुंबाय

आफादगिरि महरै जौसां जो. बसुमतारि गाहाइ नेहाथारि महरै बुबाहन बर'नो बिबान गथायबाय



मुसलपुर, 22 मार्च: बाक्स जिल्लानि सदर मुसलपुरआव थानाय काल्वारेल कमफ्लेक्सआव दिने ध्रुवजति बसुमतारिनि मेल सामलाइनाय गेवलां सावराय मेलनि गेजेरजों बाक्स जिल्ला दुलाराय बर' समाज आफादखौ दाफुंनाय जायो। बे आफादआव आफादगिरि महरै जौसां जो. बसुमतारि आरो गाहाइ नेहाथारि

(□ 6 बिलाइआव)

### सरुपेटायाव सानखान्थि आयदानि 'माइ एबाकास वार्कसप आयदानि मेलेमारि मावबादा खुंदों

भवानिपुर, 22 मार्च: सरुपेटानि सोलौथाइ फसंथान शिक्षा डि गुरुकु लनि लांगोनायाव माइ एबाकास सरभगनि बान्जायनायाव आरो शि 71 डि गुरुकुलनि हेफाजाबाव साननैनि हाबाफारिजों माइ एबाकास वार्कसप आयदानि मोनसे सानखान्थि सोलौथाइनि मेलेमारि मावबादाया दिने



खुंफुंजायो। मख'नो गोनांदि, साननैनि हाबाफारिजों खुंनाय मावबादायाव सरुपेटा दखनि

से थाखोनिफ्राय 8 थाखोनि गोबां फरायसाफोरा बाहागो

(□ 6 बिलाइआव)

### कुंजिया दैसानि हा खुरखानायखौ होबथानो मोनसे बिथांखिनि अन्थाइ खाम्फा गायसन्दों

हाग्रामा महिलारीनि जानानै बाथ्रा बुंग्रा आथिखालाव बिपिएफ दोलोआव दैदेनगिरि गैलिया: उर्खाव गोरा ब्रह्म

बासुगाव, 22 मार्च: आसाम सरकारनि केबिनेट मन्थि उर्खाव गोरा ब्रह्मआ दिने चिरिनि डोतल आदर्श गामिनि साखाथियाव थानाय धुमेस्वर हाजोनि आफाडाव कुंजिया दैसानि हा खुरखानायखौ होबथानायनि थाखाय मोनसे बिथांखिनि अन्थाइ खाम्फा गायसन्नाय हाबाफारियाव बाहागो लाफेदों। हा सैरेखाथिनाय बिफाननि सिडाव गासै 60 लाख रां बाहायनानै लुजानो गोनां बे बिथांखिनि गेजेरजों डोतल इक'-दुरिजिम एन्ड पिकनिक स्पटआ रैखाथियै थागोन होन्ना मन्थि उर्खाव

गोरा ब्रह्मआ खौरांगिरिफोरनि सिगाडाव बुडे। बिथाड बिथांखिखौ फिन फेहेरबावनांगोब्ला इयुन समाव राहा आजावना लानाय जागोन होन्नाबो फोरमायदों। चिरां जिल्लानि सा फारसे बिफाननि गेजेरजों माखासे बिथांखिफोर फिथाइ गोनां मावफुं जादों होन्नाबो बिथाड बुडे। फारसेथं मैया शुक्रबारखालि सानाव कक्राझार जिल्लानि पर्वतझराआव बिपिएफ दोलोनि आफादगिरि हाग्रामा महिलारीआ इडपिएल दोलो आरो बिटिआरनि

(□ 6 बिलाइआव)

## मिरु मन्थि अर्जुन राम मेघवालआ बाक्स जिल्लायाव मिरु सरकारनि बिथांखिफोरनि दावगानायखौ नायबिजिरदों

मुसलपुर, 22 मार्च: मिरु आइन आरो न्याय आरो संसदारि बिफाननि हादरसा मन्थि (उदां बिबान) अर्जुन राम मेघवालआ दिने बाक्स जिल्लआव मिरु सरकारनि गुबुन गुबुन बिथांखिफोरनि मावफुंनाय आरो दावगानायखौ नायबिजिरनो नुजाथिफैयो। बाक्स जिल्ला बैंगिरिनि कनफारेन्स हलआव खुंजानाय सावरायनाय मेलआव मन्थिआ गामियारि जिउराहाखौ गोखों खालामनो थांखि आरो



### कक्राझारआव बेसेन नाडै फाहामथाय बाद खुंदों

कक्राझार, 22 मार्च: आथिखालाव मानसिफोरा गुबुन गुबुन बेरामजों नाखेबजानायनि फासं नोजोर होनानै दिने कक्राझारआव मोनसे बेसेन नाडै देहा आन्जाद बाद खुंनाय जायो। मख'नो गोनांदि, क क ा झ ा र ि ब ि ग ि य ा न फरायसालिमानि सावराय न'ब्लाडव पिपुलस एड्ड मुनि सरकारि नडै फसंथाननि बान्जायनायाव बे बेसेन नाडै फाहामथाय बादखौ खुंनाय जायो। बे बेसेन नाडै देहा आन्जाद बादयाव सोनाब बंगनि सिलिगुरियाव थानाय थेलामास इनस्टिटुट अफ मेडिकल

(□ 6 बिलाइआव)

### पर्वतझरा जिल्ला बड'लेण्ड डिजितेल खौरांगिरि गौथुमनि खुंगा 1थि बोसोरसालिया जथुम्मा खुंदों

बर' खौरांगिरिफोरा सान्दुं, अखा नेवसि-नेवसि खौरां बुथुमना राइजो-राजाफोरनि सिगाडाव दिन्थिबोगासिनो दं: राकेस रामसियारि



पर्वतझरा, 22 मार्च: पर्वतझरा जिल्ला बड'लेण्ड डिजितेल खौरांगिरि गौथुमनि खुंगा 1थि बोसोरसालिया जथुम्माया काजिगावनि एडिआइसि मावखुलियाव सानसेनि मेहेरगोनं

## अरां दख'रा बाथौ महासभानि सनाथि माइथाय फोर्बो एमपि दिलिप शइकियाआ बाथौआव सिबिथाय बाउदों

उदालगुरि, 22 मार्च: अरां दख'रा बाथौ महासभानि सनाथि माइथाय फोर्बोनि हाबाफारिया दिने शनिबारखालि नैथि सान, बेखौ लानानै फुनिफ्राय बायदि हाबाफारि खुंनाय जादों। लोगोसेनो उदालगुरि जिल्ला बाथौ महासभानि 34थि जथुमखौबो खुंनाय जायो। हाबाफारियाव आसाम राइज्यो बिजेपिनि आफादगिरि दिलिप

(□ 6 बिलाइआव)



### सालबारि फरायसालिमानि लाइमोन फोर्बोआ थुंगेबाय

हारिमुआरि लामा हान्जा सुरनाया राइजो-राजाफोरनि गोसोखौ बोनो हादों

लबारि, 22 मार्च: बाक्स जिल्ला सालबारिनि गोजौ थाखोनि सोलौथाय फसंथान सालबारि फरायसालिमानि लाइमोन फोर्बोआ दिने जाफुंसारे थुंगेबाय। मख'नो गोनांदि, 17 मार्चनिफ्राय 6 साननाडे गेदेत हाबाफारिजों खुंजानाय लाइमोन फोर्बोनि दिने थुंगेनाय सानाव गाब गोनां रंजा-गोजोन थासारि सोमजिदों। लाइमोन फोर्बोखौ लोब्बा लानानै दिने फुनि 9:00 रिगायाव फरायसालिमानि फिफिलाखौ

(□ 6 बिलाइआव)




सुजुगिरिनि खोलोम

॥ ना-हांसो-दाव फिसिनानै गोबां रां खामायनो हायो, एफा-एनै रां फैनायाबो सैथो ॥

*आ*बादयानो बर'फोरनि थांना थानायनि गिबि आरो गुदि फुंखा । आबादनि अनगा सादा-बुसा मावदामब्लाग्रा गामियारि बर'फ्रा गुबुन माबा मोनसे मुलाम्फायारि गोनां खामानि दामानि मावनानै रांखान्थियारि बिथा फसंथानो आरो आबादखौनो गुबै राहा हिसाबै लायोब्लाबो गोनोखोयारि आदोबजों आवगायनो हाद्रायाखै । अब्लाबो बुंनांगोन बर'फ्राबो आधिकालाव-फालांगिरि,मोजां आबादारि दंसै । फालागिरिफोरनि बाश्त्राखौं राखाडबालानो मिथिंगायारि फुंखानिफ्राय मोन्नाय माखासे खाबु आरो देहानि बोलो बाहायनानै मावसोमनायनि गेजेरजों गामियारि रांखान्थिखौबो गुस्तायनाय लाबोनो हासै । मुलाम्फायारि जानो राहा दंसै । बेफोरनि गेजेराव ना आरो हांसो-दाव फिसिनायाबो मोनसे । गुबैयै ना आरो हांसो-दाव फिसिनायनि मोजां समानो जादों दैज्लां बोथोर । दैज्लां बोथोर सौफैब्लानो गामि ओन्सोलनि गोबां हाखर-हाला, गरखाय-दांग्रअ अखानि दैजों दानब्रै-दानबासिम आबुं लोमनानै थायो । बेफोर एरैनो गोलैसोनानै थानाय हाखर-हालाफ्राव समबाय हिसाबै एबा गावयारि हिसाबै बोथोरावनो ना फिसिनो हागौ । ना-जों लोगोसे जावजा आबाद हिसाबै हांसो फालोबो फिसिनायनि राहा खालामनो हायोब्ला रांखान्थियारि फुंखाखौं एसे एनै बांहोनायनि मिजिं खालामनो हागौ । दैज्लां बोथोराव थि बैंखन्थायनि गेजेराव दोन्नानै हांसो फिसिनो लायोब्ला दैयाव थाल्दानाय-साम'-खांखाइ, गुमा, बायदिसिना एम्फौ-एनलाफोरखौनो गोजोम-गोजोम जानानै थानो मोजां मोनो हांसोया । जाउनाव गोबां आदारनि गोनांथि जाया । बिब्दिनो हाखर-हालानि फोसाबझाडै:हाग्रा-बंग्रा, दाखोर-दालाफ्राबो ना फिसिनायाव गोबां मदत खालामो । नानि थाखाय फोसाबै हाखर, गरखायफ्राव गोबां आदार नांगौ जानानै फैया । मानो होनोब्ला बेफोराव नानि थाखाय गोबां आदार ज' जानानै थाखायो । वेखायनो बेफोरखौं सिगां नोजोर थिग्रोनानै मोजां आरो गोगो जोलैनै ना फुवान आरो हांसो जोलै ज' गायनानै फिसिनायनि बे गोलैं राहाजों बाडइ खरसा आरो बाडइ समनि गेजेरावनो गरफा-गरनै खामायनायनि लामा ओंखारो । गोलैं दिख्ुरा हांसो फिसानि थाखाय ना फिसिनाय बादिनो सोरगिदिं जेवरानि गेजेराव सम सम आरो बाइजोयावबो सम लानानै हगारलाय-थिसनलाय खालामना होनायनि राहा लायोब्ला गोख्रै देरनो बोलो मोनो । आधिकाल ना-बेदरनि साहिदा बांनाय आरो बारायग्लाबनाय बेसेनखौं नोजोर होनानै ना-हांसो फिसिनायजोंबो रांखान्थियारि बिथिडै:गोखों जानो हायैनै बाश्त्रा फैया । नाथाय बेफोर आबादजों गोबां मुलाम्फा जायैआ सैथो , नाथाय बेकारफोरनि थाखाय साखि-बाखि जासान्दि आखायनि खरसा फैनायाबो सैथो ।

आथिखालाव रोजा-रोजा बेकारफोरखौं सरकारि मावफारिया थिसन्नानै जेनाखौं सुफुंनांगौया गोब्राब होन्नानै नुहरखानाय । बे बिथिडै:सरकारि मावफारियाखौल' नेनानै थास्लायसाय बाडइ सम आरो एसेल' खरसाजों गोलैं गोलैं बिथांखि लानानै रां खामायनायनि राहा लानानै सरकारि अनसुंथाय मोन्नायनिबो सरकारि मावफारिया, बिबानगिरिफोरजों सोमोन्दो लाखिनाया गोनांसै ।

| दिनैनि फान्जामुथि                                                                                                                                                                                                                                                                                                                                                                                                                                                               |                                                                                                              |  |  |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------|--|--|
| <p><b>राशि बाइदियै मुंनि गिबि हांखो</b></p> <p><b>मेष<span> </span>:</b> अ ल <b>बृष<span> </span>:</b> ऊ ब (उ ए इ) <b>मिथुन<span> </span>:</b> क छ (ड घ) <b>कर्कट<span> </span>:</b> ड ह <b>सिंह<span> </span>:</b> म ट <b>कन्या<span> </span>:</b> प ट (ण ष) <b>तुला<span> </span>:</b> त र <b>वृश्चिक<span> </span>:</b> ब न <b>धनु<span> </span>:</b> ध भ (ढ़ फ) <b>मकर<span> </span>:</b> ख ज <b>कुम्भ<span> </span>:</b> ग श (स) <b>मीन<span> </span>:</b> द च (ख ज झ)</p> |                                                                                                              |  |  |
|                                                                                                                                                                                                                                                                                                                                                                                               | <b>मेघ:</b> माबाफोर जेंनायाव गोल्लैनो हागौ । सोरजोंबाफोर सोमोन्दो गावस्त्रालायनाय जानो हागौ । गोसोखौं हमथा । |  |  |
|                                                                                                                                                                                                                                                                                                                                                                                               | <b>बृष:</b> सोरखौंबा फोथायखेबस' खालामफ्लांनो हागौ । जैरेबो सांग्रां जानांगोन ।                               |  |  |
|                                                                                                                                                                                                                                                                                                                                                                                               | <b>मिथुन:</b> सोरजोंबाफोर खैसार साजानो हागौ । जेथंबो सांग्रां जानांगोन । थासारिया मोजां नड ।                 |  |  |
|                                                                                                                                                                                                                                                                                                                                                                                               | <b>कर्कट:</b> सानबाबो जाफुडैनि थाखाय गोसोआ मँगिलनो हागौ । गोसो हमथानानै मावनांगोन ।                          |  |  |
|                                                                                                                                                                                                                                                                                                                                                                                               | <b>सिंह:</b> जेखि जाया नख'रनि शुभ खामानि मावनानै लानो हागोन । दिदैनै दिनआ मोजां ।                            |  |  |
|                                                                                                                                                                                                                                                                                                                                                                                               | <b>कन्या:</b> शुभ खामानि मावनो गोनां दड'बा मावनो हागोन । सान्नाय-हनाय जाफुंगोन ।                             |  |  |
|                                                                                                                                                                                                                                                                                                                                                                                               | <b>तुला:</b> मोजां मोनलायनायनि सोमोन्दो थानाय गोरग जागोन । गोजोनै सम बारहोनो हागोन । मोजां सान ।             |  |  |
|                                                                                                                                                                                                                                                                                                                                                                                               | <b>वृश्चिक:</b> बे रशनि थाखाय मोजां सान लटारि लायोबा जाफुंनो हागौ । गोजोन मोनगोन ।                           |  |  |
|                                                                                                                                                                                                                                                                                                                                                                                               | <b>धनु:</b> मोजां मोनलायनायजों रंजा-बाजा खालामनो हागोन । फारफ्रोमबो मोजां । गोजोन्नाय मोनगोन ।               |  |  |
|                                                                                                                                                                                                                                                                                                                                                                                               | <b>मकर:</b> नख'रआव दावराव-दावसि सोमजिनो हागौ । नख'रनि सुबुंजों गावस्त्रालायनो हागौ । गोसोखौं हमथा ।          |  |  |
|                                                                                                                                                                                                                                                                                                                                                                                               | <b>कुम्भ:</b> सान्नाय-हास्थायनाया फेलें थांनो हागौ । गोसोखौं हमथानांगोन ।                                    |  |  |
|                                                                                                                                                                                                                                                                                                                                                                                               | <b>मीन:</b> जेखि जाया गोसोआव गिखांनाय सोमजिनो हागौ । गोसोखौं लोरबां लानो नाड ।                               |  |  |

मेघालय हाइकर्टआ आसामनि ट्रेनिं पुलिस केसनि सार्चशिट गथायनो बिथोन होदों



**शिलं, 22 मार्च :** मेघालयनि हाइकर्टआ आसामनि सासे ट्रेनिं एबा ट्रेनिं लाबाय थानाय पुलिसनि हरखाबै जिउ गोमानाय केसआव अट'रिटिनि नायबजिरनायखौं 31 मे 2025 सिमाव फोजोबनायनि बिथोन होबाय । मेघालयनि उमियामआव सा-सानजा भारत पुलिस एकाडेमि (एनइपिए) आव बियो ट्रेनिं लागामिनोमोन । बे आर'जलाइखौं 9 मार्च 2022 आव ट्रेनिं लाबाय थानाय सासे पुलिसआ जिउ गोमानायनि उनाव थिसन्दोंमोन । रिपर्टफोरनि बायदिब्ला ट्रेनिं लानाय पुलिस जवानआ एकाडेमिनि सुइमिं पुलआव गब'दोंमोन । बेखौं अजद होनानै भुगिनांनाय नख'रा एफआइआर थिसन्दोंमोन । नख'रा बुंदोंदि, बै जाथायनि समाव सा 29 पुलिस मावफारियाफोरा बैयाव दंमोन । सुइमिं पुलआव गबना जिउ गोमानाय रिपर्टखौं नख'रा नेवसिगारदोंमोन । बेनि उनाव एफआइआर थिसन्ना आबुडै नायबजिरनो, दायनिगिरिखौं सिनायथिनो आरो मोनसे क्रिमिलेल् ट्राइलनि दाबि खालामदोंमोन । अदेबानि पुलिस बिबानगिरिफोरनि फारसेनि उकिलआ कर्टआव बेनि नायबजिरनाया सोलिगासिनो दं होन्ना मिबथिहोदों । गाहाइ बिजिरगिरि आइ.पि. मुखाजौनि सिंगोल बेन्चआ 3 बोसोरनि उनावबो बिबानगिरिफोरनि नायबजिरनाया आद्रा होन्ना सार्चशिट गथाइनायाव हेंथा होयो होन्ना बुंदों । बेनि अनगायै कर्टआ बिबानगिरिफोरखौं फैगौ 31 मेसिमाव आबुडै नायबजिरनो आरो ट्रायेल् कर्टआव सार्टशिट गथाइनो थाखाय बिथोन होयो ।

बेंगालुरुनि गंसे हटेलआव मावफारियानिफ्राय ग्रेनेट बोखानो मोन्दों



**गोदान दिल्ली, 22 मार्च:** कर्नाटकनि बेंगालुरुआव गंसे हटेल साफ्लायारनि बेगनिफ्राय हेन्ड ग्रेनेड मोन्नायनि उनाव हटेल मावफारियाफोरनि गेजेराव दावराव-दावसि सोमजिखाडो । सासे 23 बोसोर बैसोनि साफ्लायार आब्दुल् रहमानखौं शुक्रबारखालि हमो । हटेल मावफारियाफोरा बनि बेगनिफ्राय ग्रेनेड मोन्नायनि खौरांखो पुलिसनो मिबथिहोयो । बेल्लाहल्लीनि थागिबि रहमानआ बावैसो सिगां हटेलआव खामानि मावफैदोंमोन । पुलिसआ फोस्मायनाय बायदिब्ला, जेल्ला मावफारियाफोग सिक्युरिटिनि थाखाय बनि आधार कार्डखौं बियो अब्ला रहमानआ सान्नैनि उनावबो दिन्थिनो हायाखेमोन । उनाव सन्देह जानानै हटेलनि मावफारियाफोरा बनि बेगखौं सिग्रोमो आरो थरसे ग्रेनेड मोनो । संपिगेहल्ली पुलिसआ बे ग्रेनेडखौं नंगुबै होन्ना रोखा खालामो आरो आब्दुल् रहमानखौं बंखनाव लाडो । जेरा सेबनायाव आब्दुलआ बे ग्रेनेडखौं लामायाव मोन्दोंमोन आरो बेखौं गावनि बेगआव सोना लाबोदों होन्ना मिबथि होदों । पुलिसआ बे केसखौं नायबजिरगासिनो ।

**इम्फल्, 22 मार्च:** मिरु आरो राइज्यो रैखाथि हान्जानि मोनसे जुथाय टीमआ थांनाय शुक्र बारखालि मनिपुरआव जाफुंसार अपारेसनफोरनि मोनसे सिरिजखौं सालायो, जायनि फिथाइ महरै राइज्योनि गुबुन गुबुन उतखारि आफादफोरनि सा 8 उतखारिफोरखौं हमो होन्नानै सासे बिबानगिरिआ मिथिहोदों । बिबानगिरिनि बादिब्ला, रैखाथि हान्जाआ शनिबारखालि दरथाम हायेन जिल्लाफोर सोनाब इम्फल्, सान्जा इम्फल् आरो बिष्णुपुरआव मोनसे नायबजिरनाय अपारेसन



**इम्फल्, 22 मार्च:** मिरुआरि हान्जाफोर आरो मणिपुर पुलिसनि जुथाय हान्जाया शुक्रबारखालि मणिपुरनि सा इम्फल् जिल्लायाय मोनसे जायगायाव होबथाजानाय पिपुल्स लिबोरेशन आर्मि (पिएलए) /होबथाजानाय रिभल्युशनरि पिपुल्स फ्रन्ट (आरपिएफ)

।। सिरि मोनदो बर'फोर ।।

**-फैलाव ब्रह्म ( तामुलपुर )**

आंनि फेर्लेबसे जिउजों गावनि हारिनि बागै बुंनानै जेबो फार मोनबोआखै बेखौं आं मोजाडैनो मोनदांबोदों । नाथाय सैथोखौं नुनानै आरो खोनानानै बेखौं बुंफोरनानै होनो लुबैसुला आंनि गोसोआ गावनि मुलाम्फा जा-दा-जा हारिनि बागै लिराब्लानो थानो हाबोआखैसै । आंनि लिरथिनि जोहै सोरनिबा मोजां-गाज्रि जानाय आरो बेजों सोरबाया दुखु आरो सुखु मोन्नायखौबो आं नोजोर होनाय जायाखैसै ।

हारिनि सम्फथिखौं नोजोर होथों आरो हारिखौं बेंथों होन्नानै गावजों गाव नांलाइ खमलाइनि गेजेरजोंब्लाबो भट होनानै हारिनि दैदेनगिरिफोरखौं हारिनि चौकिदार महरै दिल्ली-दिसपुराव जों एम.एल्.ए. आरो एम.पि. सायख'नानै दैथाय हरो । नाथाय बै एम.एल्.ए. आरो एम.पि.फोरा हारिनि थांखिखौं मोनदां मोनै गोथैफोर बायदि दिल्ली-दिसपुराव सिरियै उन्दुनानै थाहैयो । जाहोनाव जौनि सम्फथिखौं आइन बेरेखायै खानवाय आरो लुथिनायफोरा सोलिबोदों आरो दिनैबो फारियै सोलिगासिनो दड ।

जों दिनै फेलें । हारिनि जाय थामोनथाखौं रैखाथि होनायनि मुखाव रोजा रोजा मुंख्ं जानांबाय बै मुंख्ंफोरनि सिमांखौं मोखथां महर होनायाव जों दिनै फेलें । मानोना बिटिचियाव मोनजिबा समस्थिनि मादाव मोनड'ल्' एसटि समस्थि दनानै जौनि मोरखां सिगाडवनो जौनि राजखान्थि गोहोखौं सुथुरफोरा सिख'नानै लांबाय । राजखान्थिनि गोहो नागिरनानै मुंख्ं जानाय मुंख्ंफोरनि सिमांखौं दिनै थेर-बेथेर खालामबाय । नाथाय जौनि फारसै खालामनाय अयनायनि बेरेखायै फिन जाथायखौं जों नांगौ समाव होनो हायाखैसै ।

सोंंखावनाय सैमानो हारा गोनां बेदर थुश्चा गारना होनानै सैमानि सोंनायखौं सिरि दोन्नाया सोलो गोरा सिखावनि मोनसे खायदा । हारिनि खायसे दैदेनगिरिफोरा जौनि बेरेखा हान्जानिफ्राय माबा मोनसे मोनजानानै सिरि थानाय बायदि दिनै सुथुरनि बेरेखायै जेबो बिबुंथि गैया । जौनिफ्राय हेंथा मोनैयाव बिसोर खुसिजों जौनि न' उंस्खुंखौं सिन्दि जावनानै दिहुन्नाय बायदि हारिनि इसिखरी लाय-लथरफोरखौं मोनसेनि उनाव मोनसे लुथिगासिनो दड । नाथाय जों बेनि जेबो थर गैया । जौनिफ्राय फिन जाथाय होग्रा रावबो गैया ।

भारतीय संबिधानखौं सिफाइनानै आइन बेरेखायै जनजाति ओनसोलाव हाबसन फैनायफोरनो आसाम सरकारा हा नामजारी होनानै बिसोरनो भटनि मोनथाय होबाय । बै अबैध सुबुं अनजिमाया जौनि बेरेखायै भट होनानै जोंखौं गोबांवार बिसायख'थियाव फेजेनबाय । आरोबाव जौनि हा सिखावफोरा बिटिचियाव मोनथायनि बाश्त्रा बुडै बुडै हसिखाव हसिखाव जौनि सिथलायावनो जोंखौं दम होदों । नाथाय बै सिखावफोरनि बेरेखायै जुजिफिनग्रा, आइन आदालतजों जुक्ति होग्रा जौनि हारियाव रावबो गैया ।

आसामनि गिबि थागिरिया जनजातिफोरासोमोन नाथाय जनजातिनि राव आरो हारिमुखौं बिसोर असमीयानि राव आरो हारिमु होन्नानै गनायनानै लायाखैसै । जनजातिनि रावफोरासो आसामनि 'असमीया राव' मुडै मर्यदा मोननांगौमोन नाथाय बायजोनिफ्राय फैनाय बज्रवली, हिन्दी, संस्कृत आरो बैंगली लाब्रा सोदोबनि रावखौसो बिसोर आसामनि गाहाय 'असमीया राव' खालामनानै जौनि जनजाति रावफोरखौं 'असमीया' मर्यदानिफ्राय बेसेबांबा गोजानाव दोनबाय ।

जौनिफ्राय सिख'नानै लांनाय हा-हु आरो जौनि राव-हारिमुनि उदांश्रीखौं जों नागिरिफन्ब्ला आरो दाबि खालामब्ला उलथायै उग्रपन्थि, राजद्रोही आरो समाज बेरेखा बायदि बायदि गाज्रि रावजों जोंखौंसो उलथायै सोंंखारिग्रा जाबाय । सिखावा पुलिचगिरि दिन्थिनानै जौनि गोबां जोहोलाव आरो जोहोलावजोंफोरखौं दायनिगिरि राजजायनानै उल्थायै जोंखौंसो जेलाव जोबनानै दोनबाय । नंखाय राजखान्थि गादिखौं रैखा खालामनायनि खाथिराव जौनि दैदेनगिरिफोराबो बैफोर अयथाचारनि बेरेखायै बुंनो रावखौबो आवगायनाय नुवाखैसै ।

जों उग्रपन्थि नड,बिसोर खारिनायफोर बायदि समाज बेरेखा आरो राजद्रोहीबो जों नड । भारतीय संबिधाना जोंनो होनाय

जौनि सम्फथिफोरखौं जौनि मेगन सिगाडवनो जिग' जिग' जौनिफ्राय सिख'नायखौसो जौनि खायसे जोहोलावफोरा गोर्लेयै सहायनो आरो नायनानै थानो हायाखै । उग्रपन्थिफोर बायदि जौनिफ्राय सिख'नानै लांनाय बै हा-हु आरो संबिधाना होनाय मोनथाइफोरखौंसो लाबोफिन्नोसो जों नाजादों आरो जुजिदों । जों उग्रपन्थि नड, मानोना जों गुबुननि सम्फथिखौं सेख'नो आवगायाखै आरो जों आवगायग्राबो नड ।

हारिखौं मोजां मोन्नायाव जों गोरोन्थि खालामफेराखेमोन नाथाय खौसेथिनि गोहोजों सोमावसारनानै जा एसे मोनबोदोंमोन बेखौं बिदा-फबायजों समानै राननानै जानो रोडैया जौनि मोनसे गेदेर गोरोन्थि म्मानोना गादिनि लोभ गैयामोनब्ला, जौनिफ्राय सोरबा सासेया सारेन्दार जागौमोन आरो सारेन्दार जायोब्ला जौनि गेजेराव गावस्त्रानाया जायामोन । जौनि गेजेराव गावस्त्रानाया जोंखौं सुइसाइड जाहोदों । गावजों गाव गादिनि सेख' बोख' आखुफोरा जों जौनि आथिडवनो र्वा खुना लानाय बायदिसो जादों ।

जिउ गारै गारै फेर्लेबसे मोनबोनायखौबो रान्ना जानो रोडे जौनि दैदेनगिरिफोरनि आखुवाव जौनि सुथुरफोरा जोंखौं सुबिधा लाबाय । "सोखावनाय आरो खुंनाय" बृटिश खात्थि बाहायनानै जोंखौं सोखावनानै जोंखौं खुनो जुनै बिसोर जौनि गेजेराव हाबसनबाय । गोरोन्थिया जौनिबो दड । मानोना गावजों गाव जुजिनानै जों गावनि थोंफा थोंफा आथि सिफायनानै लाबाय । जाहोनाव गसंथानो बिसोरनि थोंसे आथि सहाय लानानै जों पंगु सरखार दानांबाय ।

दिनै जौनि गावजों गाव सिंह बायदि नेरलायनाय आरो दावज्ला बायदि सौलायनायफोरा फैगौ समफोरावबो जों राजखान्थियाव आरोबाव गाब्र'बावसिगोन बेनि इसाराखौं होगासिनो दड । बर'फोरा खाफाल मोन्दा । मानोना सिगांथिं खैफोदिन हाखर नुहरसेयावबो बैयाव गाब्र'नो जौनि दैदेनगिरिफोरा आवगायगासिनो थायो । थांनाय एम.पि. बिसायख'थियाव खेबनै जेन्नाय आरो बिटिचिनि बिसायख'थियाव गुबुनखौं लानानै सरकार दानांनायानो जौनो सोलोंथाय होदोंमोन । नाथाय आबेगजों बोबर्थिं जानानै गावनि खैफोतखौबो जौदि सानरोड आरो बैफोरनिफ्राय सोलॉनो रोड बेनि फोरमानखौं दलामै होबाय ।

सोमावसारनाया जोबनायनि उनाव फैयो जौनि सोमावसारनायनि थांखिफोरखौं मावफुंनायनि सम । नाथाय थैजों सोलायनानै मोन्नाय गोहोखौं बाहायनानै हारिनि नंगुबै थांखिफोरखौं मावफुंनो समाव जौनि दैदेनगिरिफोरा गावसोरनो गोनो गोथो । आखायाव मोन्नाय राजखान्थि गोहोखौं बाहायनानै सेख'नानै लाजानाय हा-हुखौं सुथुरनिफ्राय लाबोफिन्नो नाजायाब्लानो हा सिखावफोरजों गसंफानानै बिसोरनि हा-हुखौं रैखाथि होनो जुनै जौनि खायसे दैदेनगिरिफोरा सुथुरनि जानानै अकालतिसो खालामबोदों ।

थैनानै सलदें गोलैनानै थानाय गोथै सह'खौं सियाल् आरो सिगुनफोरा गोथैसालीयाव अरख्लाब अरख्लाब जानाय बायदि गावनि हारिनि जामनाय जिनायाव नोजोर हो रोडे आरो फिन जाथाय खालाम रोडे'बर' हरिखौं सुथुरफोरा मोनसेनि उनाव मोनसे अरख्लाब-अरख्लाब जागासिनो दड । बेरेखा खालामनो मोजां मोनै,नांलाइ-खमलाइ खालामनो गोसो गैयै जौनि गुरै आरो गोलैं गोसोखौं नुनानै बिसोर सुबिधा लाबाय । जौनि राव आरो हारिमुखौं जौनि सिथलायावनो गाफबनो सानबाय । नाथाय जों थर गैया, जौनिफ्राय फिन जथाय होनाय जेबो गैया ।

सिरि मोनदो बर'फोर ! जौदि गोथाडैदडबेनि रादाबखौं बयनोबो होदो । जों राव होनो रोडैयाव,जों मोदोम सोमावनो रोडैयाव बिसोर जोंखौं गोथै बायदि सानबाय । जोंखौं गोथै सान्नानै गोथाडैनो अरख्लाबजोबनोसै । दिन डकाइतफोर बायदि जौनि लाख लाख बिघा हाखौं सेख'नानै लाबाय । अबैध सुबुं सानखोनि गोहो बाहायनानै जौनि राजखान्थिनि गोहो सेख'बाय । जौनि सोलाइ बिसोर गावसोरखौंसो गुबै असमीया होन्नानै सिनायथि होबाय । जौनि सिथलायाव गसंनानै जोंखौं बिसोर ब्लेक मेइल् खालामबाय । बिसोर जौनिफ्राय आरोबाव गोबां सिख'बावनायनि सोलो खालामगासिनो दड । सिरि मोनदो बर'फोर !**□**

सोद्रोमाखौं हमो । बेनि सासे सोद्रोमाखौं हमो । अपारेसन अनगायै रैखाथि हान्जाआ खालामनाय समाव रैखाथि सान्जा इम्फल् जिल्लानि हान्जाआ गोबां बिबांनि आन्द्र पिएसनि सिडाव हाथियारफोरबो बोखांनो हादों गोग्लैनाय उछल् मखा होन्नानै बिबानगिरिआ लेइकाइनिफ्राय आरपिएफनि फोस्मायदों ।

| NAME CORRECTION                                                                                                                                                                                                                                                                                                   |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| That, my father’s actual /correct name is <b>LALIT NARZARY</b> , which is recorded in my Aadhaar card, <b>Vide Card No. 3817 2132 6737</b> and PAN card, <b>vide card no.-CVTPN0580Q</b> .                                                                                                                        |
| That, there is a Land Holding Certificate recorded in my name, bearing Application No. <b>KOK/DOT/2024-25/178899LH</b> issued on <b>12-08-2024</b> by the Circle Office Dotma, Dist. Kokrajhar, Assam, wherein my father’s name has been recorded as <b>LALIT MOHAN NARZARY</b> instead of <b>LALIT NARZARY</b> . |
| That, I do hereby declare that <b>LALIT NARZARY</b> and <b>LALIT MOHAN NARZARY</b> is the same and one identical person, who is none other than my father.                                                                                                                                                        |
| <b>Sukursing Narzary</b><br><b>S/O.- Late Lalit Narzary</b><br><b>Vill.-Khagrabari</b><br><b>P.O.-Banargaon</b><br><b>P.S.- Dotma</b><br><b>Dist.- Kokrajhar, BTR, Assam</b><br><b>PIN-783347</b>                                                                                                                 |



**IndianOil**

# Indian Oil Corporation Limited

Refinery Division - Bongaigaon Refinery,  
P.O.: Dhaligaon, Dist.: Chirang, Assam - 783385



**IndianOil**

## WALK-IN-INTERVIEW

### REQUIREMENT OF PART TIME SPECIALIST DOCTORS ON CONTRACT BASIS AT BONGAIGAON REFINERY HOSPITAL, DHALIGAON

Indian Oil Corporation Limited, Bongaigaon Refinery invites interested candidates for engagement as part time specialist doctors on contract basis at Bongaigaon Refinery Hospital.

| Sl. No. | Specialization  | Required Strength | Working Hours                                 | Minimum Qualification & Experience                                                                  | Period of engagement |
|---------|-----------------|-------------------|-----------------------------------------------|-----------------------------------------------------------------------------------------------------|----------------------|
| 1.      | Dermatologist   | 04                | 04 hours per day (3 days in a week)           | MD (Dermatology) from a recognized institute with minimum 01-year post qualification experience     | 01 (One) year        |
| 2.      | Orthopaedic     | 01                | 04 hours per day (3 days in a week)           | MS (Orthopaedic) from a recognized institute with minimum 01-year post qualification experience     | 01 (One) year        |
| 3.      | Radiologist     | 01                | 04 hours per day (3 days in a week)           | MD (Radiologist) from a recognized institute with minimum 01-year post qualification experience     | 01 (One) year        |
| 4.      | Cardiologist    | 01                | Fortnightly basis for 4 hrs. on visiting days | DM/DNB in Cardiology from a recognized institute with minimum 01-year post qualification experience | 01 (One) year        |
| 5.      | Homeopathic     | 01                | 04 hours per day (3 days in a week)           | BHMS from a recognized institute with minimum 01-year post qualification experience                 | 01 (One) year        |
| 6.      | Ophthalmologist | 01                | 04 hours per day (3 days in a week)           | MS (Ophthalmology) from a recognized institute with minimum 01-year post qualification experience   | 01 (One) year        |

**Note:** All Candidates must possess a valid registration number. Candidates with additional qualification & experience may be given preference. However, discretion of the Management would be final.

Interested candidates fulfilling the above mentioned criteria may appear in the Walk-In-Interview scheduled on **02-04-2025 from 0930 hrs** with all the relevant documents (Original & one set self attested photo copy, two recent coloured passport size photographs, valid identity proof and post qualification work experience documents) at Bongaigaon Refinery Hospital, Indian Oil Corporation Limited, Bongaigaon Refinery, BGR Township, P.O: Dhaligaon, Dist. Chirang, (Assam). PIN: 783385.

There will be no reimbursement of travelling expenses.

The engagement will be purely on temporary basis.

Candidates **HAVE TO REGISTER** before 12:00 hrs on the date of interview.

# নখ ’ৰখৌ মোদোমফ্ৰুহোগ্ৰা মাখ্বাৰে মোনায়াব বাৰগ্ৰা সমাঈনা বিবাৰ

জঁওঁ নখ ’ৰনি  
লাংগোনায়াব গোৰাং সমাঈনা–  
সমাঈনা মোনামফ্ৰু বিবাৰফোৰনি  
বিফাং গায়ো। বেফোৰে নখ ’ৰনি  
সমাঈহোনাযজঁওঁ লোগোসে  
মোদোমনায় সাৰফ্ৰাবো আৰো  
সুৰুঁনি গোসোখৌ  
গোজোন্‌গ্ৰালাযহোযো। নাথায়  
মাখ্বাৰে বিবাৰ দঙ; জায়ফোৰা  
হৰনি সমাবল’ বাৰো আৰো গোৰাং  
মোদোমনায় সাৰফ্ৰাবো। সানাব  
বাৰগ্ৰা বিবাৰফোৰনিখুঈ বাঁসিনৈ  
মোদোমফ্ৰুযো বেফোৰ বিবাৰা আৰো



বাৰো। ফিসা–ফিসা আৰো গুফুৰ  
গাবনি বে বিবাৰআ নায়নায়াব  
জোবোৰ সমাঈনা আৰো বয়নিবো  
গোসো বোনো হানায। মোনানি  
সমাব বে বিবাৰনিফ্ৰায় গোৰাং  
মোদোমফ্ৰু মোদোমনায় গোসাৰো।  
বেনি জাহোনাব এম্‌ফৌ–এনলা,  
বেঁৰে–সিখিৰিফোৰাবো ফৈসোগাৰো।  
**4. চামেলি:** মোদোমফ্ৰুগ্ৰা  
বিবাৰফোৰনি গেজেৰাব  
ৰায়খাংজানায চামেলি বিবাৰআ  
গুফুৰ আৰো বেযো জোবোৰ সমাঈনা।  
সমাঈনাজঁওঁ লোগোসেনো বেযো  
জোবোৰ মোদোমোবো।ন’নি বিবাৰ  
বাগান এৰা লাংগোনায়াব  
চামেলি বিবাৰনি বিফাং  
গায়োব্ৰলা খাথি–খালা  
সোৱগিদিঁ মোদোমনায সাৰফ্ৰাবো  
আৰো আৰুহাবায়াব আলাদা  
গোজোন ফৈযো।

বুঁজানায সেফাৰি বিফাংআ  
মোনায়াব বাঁসিন মোদোমনায়  
হগাৰো।বেনি মোদোমনাযা 200–  
300 মিটাৰ গোজানসিম গোসাৰো  
আৰো বেঁৰে, সিখিৰি, থাম্‌ফৈৰাযদি  
বিদৈ সোৰগ্ৰা এম্‌ফৌফোৰনি গোসো

বোযো। বেনিখায়নো বেনি  
বিফাংখৌ ন’নিফ্ৰায় ইসে  
জানগাৰাব গায়নাংগৌ।  
**2. চম্পা ( ফ্ৰুমেৰিয়া ):** চম্পা  
বিবাৰআ সান আৰৌ হৰ মোনৈবো  
সমাবনো মোদোমনায় হগাৰগ্ৰা  
বিবাৰ। মোনৰা ফাইলিনি বে  
বিবাৰআ নুনায়াব জোবোৰ  
সমাঈনা আৰো বয়নিবো গোসো  
বোনো হানায।গোলোম বোথোৰাব  
বে বিবাৰআ বাঁসিন বাৰো আৰো  
খায়সেযা বোসোৰনি জেব্ৰায়বো  
সমাবনো বাৰো। বে বিবাৰনি  
বিফাংখৌ গ্ৰ বেগ আৰো ফুল  
টাম্‌ফোৰাব গোৱলৈযৈনো গায়নো  
হায়ো।

**3. জুহি এৰা জাসমিন:** বে  
বিবাৰআ দৈজ্ৰাং বোথোৰাব বাঁসিন



## দৈসা

জোনোম মোন্দোনোঁ দৈসা,  
হিমালয় হাজোমানিফ্ৰাঈ।  
বেসেদি জিৰি জিৰি বোহৈদোঁ নোঁ  
জেনিবো দুখুনি হেঁথা গৈযা জাসে।  
বোহৈদোঁনোঁ সাহানিফ্ৰাঈ  
খোলাহা ফাৰসেথিঁ জায়।  
ৰেস গৈযি সানফ্ৰামবো  
বোহৈযোনোঁ দৈসা।  
ৰাবনিবো হেঁথা হোনায়াব  
দসে সমনি থাখায়ব্ৰলাবো  
থাদ বোযাখৈনো দৈসা।  
ৰাবখৌবো নেনানৈ ফৈযাখৈ নোঁ  
হাৱসিংনো জিৰি জিৰি বোহৈবোদোঁনোঁ।  
সাহানিফ্ৰাঈ খোলা ফাৰসে  
আয়’ বেসেদি সমায়না জিৰি–জিৰি  
বোহৈদোঁনোঁ দৈসা।

**মুন্নি অৰায়থা বসুমতাৰী**  
**লা:সো:–** **বিসমুৱি**।  
**জিল্লা–** **কক্ৰাঙ্গাৰ, ৰিটিসি ( আসাম )**।

## সোৱমোন নোঁ বৰ’ সিখোলা?

সোৱমোন নোঁ বৰ’ সিখোলা?  
সিনায়নো হাযাখৈমোন আং নোঁখৌ,  
আং থেবব্ৰলাবো নোঁখৌ মোজাং মোন্দোঁমোন।  
হোনো সান্দোঁমোন আং নোঁনো  
আঁনি গোৱবোনি অননায়খৌ.....  
নাথায় সোৱমোন নোঁ বৰ’ সিখোলা?  
আঁনি সেৱাব হৰনি সিমাজ  
নুজাথি ফৈনো।  
মাৰ্ৰলাৰা আং নোঁখৌ নুখানায  
ৰাযদি মোন্দোঁমোন,  
নাথায় সোৱমোন নোঁ বৰ’ সিখোলা?  
সিমাডাব নুদোঁমোনব্ৰলাবো আং  
নাঈৰাবো সিনায়নো মোনাখৈমোন নোঁখৌ  
থেবব্ৰলাবো নোঁখৌ আং মোজাং মোন্দোঁমোনৰ  
আৰো আঁনি অন্নায়খৌ নোঁ  
অনজালিনো হোজোবনো সান্দোঁমোন।  
নাথায় মোগথাংআব নোঁ অনজালিখৌ  
সিনায়নো মোনাখৈমোন আং  
সোৱমোন নোঁ বৰ’ সিখোলা?

**মুন্নি অৰায়থা বসুমতাৰী**  
**লা:সো:–** **বিসমুৱি**  
**জিল্লা :–** **কক্ৰাঙ্গাৰ, ( ৰি টি সি ) আসাম**।

## অন্নাযনি বোসোন

*বেসেৰা গুৱাৰ লৈথো ৰাযদি,  
মোখথাংখোৱ গোজৌ বুহুম নখাংমা ৰাযদি,  
মিথিংগানি সমায়না মৰ ৰাযদি  
সুবুডাৰি অন্নায়নি বোসোনফ্ৰা।*

*ফিত ফিত থখ’ থখ’ ফালিবোলা  
বয়জোঁবো গোৱোবনানৈ সোলোঁবোলা,  
এৰা, অন্নায়খৌ ৰিজিতনো হায়োবোলা  
মোনজাগোন বেনি গোদৈ ফিথায়খৌ।*

*নংখায় হাবানিফ্ৰায় গোজানাৱ থানো  
গাবখৌ সাখোন সিখোন দানানৈ লানো,  
সুবুঁজোঁ হাৰাফ্ৰাব ফোথায় জানো*

*গমামা বেসেৰাংৰা জিউগোনাং অননায়ফ্ৰা।*

*গেদেত মানসিনি সিমোঁ নুদোঁব্ৰলা  
গেৰেঁ সোলোঁথায় মোননো হাস্থায়দোঁব্ৰলা,  
সৈথো সান্নায়নি বোসোনজোঁ থাৰায়লাংব্ৰলা  
মোনজাগোন বেনি গোদৈ ফিথায়খৌ।*

**থ্ৰায়না ৰিদিন্থা বসুমতাৰী**  
**লা:সো: পুটিমাৰী**  
**জিল্লা:–কক্ৰাঙ্গাৰ ৰি টি সি ( আসাম )**।

## হাস্থায়নায গোসো

হাস্থায়নায গোসো আঁনি নোঁখৌ,  
নাথায় দং নোঁ বেসেৰা গোজান  
মোনহাস’যৈ দাবসে মুলুগাব।  
হাস্থায়ো আং বে জোনোমাব নোঁখৌল’  
নাথায় মোনহাস’যা ৰজে আঁনি থাংখি,  
জাফুনায নঙা নামা আঁনি হাৰিলা।  
সিমা গৈযা আঁনি নোঁখৌ হাস্থায়নাযা,  
মোনহাস’যৈ মুলুগনি গেজেৰাব নোঁখৌ,  
সৌহৈনা সৌহৈযা আঁনি থাংখি।  
নেনা দং আং নোঁখৌ মোনহাস’যৈ মুলুগাব,  
নাথায় ফৈমালসো জাগোন নামা  
বে জোনোমাব আঁনি নোঁখৌ হাস্থায়নাযা।  
থায়নৈ মেগন আঁনি নোঁখৌ নোজোৰ,  
নোঁখৌ মোনাৰ্ৰলা সানো আং  
থানানৈ থানায়নি ৰাহা গৈযা।  
মাদি জাগোন বে জোনোমাব  
আঁনি নোঁখৌ হাস্থায়নায,  
সমনি বুৰ্ৰিয়াব ফৈমালসো জাগোন নামা।  
দুখু সহায়ৰায আং নোঁনি থাখায়,  
মোনহাস’যৈ মুলুগাব নোঁখৌ হাস্থায়না,  
নাথায় মোনহাস’যৈ দাবসে মুলুগাব নোঁ।

**মিচ সুপ্ৰিয়া বসুমতাৰী**  
**ফৰায়সালি:–সেৰফাংগুৰী গোজৌ ফৰায়সালি**  
**জিল্লা:–কক্ৰাঙ্গাৰ ৰি টি সি( আসাম )**।

### লিমাৱিক খন্থাড়

জৌসায়নি হিনজাবখৌসো নুৰায  
ৰিখুমজো হোসোনানৈ বুনায  
মা জাথোনি হিনজাব  
গমামা গোমোথাব  
সালা মা হিনজাব জাখোথায়

গামিনি সোৱৰা সাসে বুঁৰায  
নোঁসা মানো গৈযা অনলায়নায  
অৰায় নাঁলায লায়না  
গোজোননায় মোনো না  
নোঁসানি নখৰ সঁসাৱালায

ফুঁ সবানো নাঁলায খমলায়গোন  
ৰিদিৰালায মা নখৰ জাগোন  
ৰিবো ৰিবো জেনা  
বেয়াব জোৰা জেনা  
জেৰাব সানলায হলায থানাংগোন

**–ৰৈদোম ৰৰ’, ৰাক্সা**

## ‘‘গোৰোঁনি মোদৈ’’

সোৱ মিথিনো, সোৱ নুনো,  
সোৱনি গোৰোঁআব জিৱন গোযৈ মোদৈ বোহৈদোঁ  
ৰাববো মিথিয়া, সোৱনি গোৰোঁআব  
বেসেৰাং দাবদাব দং.....  
সায়াব নায়োব্ৰলা নুগোন, মিনিৰালা–ৰালা  
নাথাঈ গোৰোঁআব দং,  
দোৰ্ফোঁ–দোৰ্ফোঁ খামগিলনায় গোৰোঁ।  
মানোনা বে মুগায়া সিনাইলা,  
প্ৰফাৱটি গোযৈ সঁসাৱনি সুবুঁখৌ,  
ৰাববো উননিফন্না নাইলা,  
গাবনিনো অসে ফঁৰাঈ লোগোআব লাংফানো  
মুগাযানো জাৰায অন্থাঈ ৰিখা–  
খালামজাসৈ বে সঁসাৱনি প্ৰফাৱটি গোনাং  
সুবুঁফোৱজোঁ এৰা–এৰা।  
সহাঈনাংসৈ নিখাউৱিয়া জেঁৱিথিবো  
মৈ সিঙাব হুফ্লে সোমজানাঈ এম্‌বুফোৱৰাদি–  
গোসোনি হাস্থায়নাঈ ফিৱফিলাৰাখৌ সঁসাৱনি  
উদাং অৰ্খাংআব উৰাঈহোনো সান্নায়াবো  
গোৰোঁ আবল’ উৰাঈনা থানাংৰাঈ  
বোহৈৰাযল’ জিউআব গোৰোঁনি মোদৈযা  
ৱান্নো ৰোঙেদৈ নিজিৱা ৰাঈদি।

**শ্ৰী নৱপতি ব্ৰহ্ম**  
**গামি:– মহনপুৱ**  
**লা:সো:–** **বিসমুৱি**  
**জিল্লা–** **কক্ৰাঙ্গাৰ**

## ৰৰ’ ফিসাফোৱনিসিম

নৈ ৰৰ’ ৰিমানি আংগো ফিসাফোৱ,  
জাখো মানো নোঁসোৱ গাবজোঁ গাব সুথুৱ।  
গাবজোঁ গাব দান্থাৱ সুথাৱ ৰাববো গৈযা খৌসে  
হনৈ নায়হৰ ৰৰ’থিয়া সুবুঁফোৱ–  
গাবজোঁ গাব এনা এনিখৌ নুনানৈ  
ৰৰ’ হাৱি গোদোলাংনো নাগিৱনাযখৌ নুনানৈ  
দুখুথিয়া ৰৰ’ ৰিমাযা বৈসোমুথি ৰিখায়াব  
জগ্ৰনানৈ  
মেগনাব মোদৈ খুগায়াব খুদৈ লানানৈ হনৈ  
খানায আঈলি–জাঈলি গাবৈ গাবৈ বুদোঁ–  
’’আয়’ আংগোনি ফিসাফোৱ দাজাসৈ নোঁসোৱ  
গাবজোঁ গাব এনা এনি সুথুৱ–  
খৌসে জাদো ফিসাফোৱ খৌসে জাদো।  
খৌসেনি দৌলোঁজোঁ খাজৰজাদো ফিসাফোৱ।’’  
ৰৰ’ ৰিমানি খাবলায়নাযখৌ নাজাবদো  
ৰৰ’ফোৱ,  
বয়বো জোঁ ৰিমা সাসেৱনিনো ফিসা  
বয়বো জোঁ ৰিদা–ফঁৰায, ৰিৰ’–ৰিনানাৱ  
জোঁ বয়বো গাবজোঁ গাব খৌসে জাযাৰ্ৰলা–  
এনা এনি গাবজোঁ গাব সুথুৱ জাযোব্ৰলা–  
গোমালাংগোন সানসে আগোমা ৰৰ’ হাৱিয়া।  
অৰ্ৰলা ৰৰ’ ৰিমানি মেগনি মোদৈআ ৱান্নো  
ৰোঁনায় নঙা।  
নৈ ৰৰ’ ৰিমানি আংগো ফিসাফোৱ,  
ফৈ জোঁ বয়বো খৌসে জাদিনি।  
ফৈ জোঁ বয়বো হাৱি সিৰিলাঁনি।

**থ্ৰায়না ৰিদিাংশ্ৰী বসুমতাৰী**  
**গামি:–সিমলাগুৰী ( দতমা )**  
**জিল্লা–** **কক্ৰাঙ্গাৰ**

## মোজাং মোনাযা সুবুঁনি সুথুৱ

নুজাফৈদোঁমোন আং বুহুম ৰিখায়াব  
মোজোমসে জিউখৌ লানানৈ বৈথা গৈযৈ  
জিউনি ডিঙয়াব জাবলাংনো।  
নাথায় আঁনি গোসোযা সোৱৰা  
অনজালিখৌ মোজাং মোন্দোঁমোন,  
হাস্থায়দোঁমোনবো আং বে অনজালিখৌ  
আংগোনি খালামনো, নাথায়...!  
ৰিনি ফোথায়খেৰস’ গোসোআ  
জাবলিয়া খালামৰায আঁনি মোসোৱখৌ দিনৈ।  
মা সান্নানৈ মোজাং মোনমোন আং  
বে অনজালিখৌ,  
ৰিনি গোসোযা মানো এসেৰাং থগায়সুলি?  
ৰিখৌনো লাদোঁমোন আং জিউযৈ মাহামৈ  
গোৱবোনি দাব মৈনা, নাথায়....।  
দিনৈ ৰিয়ো আঁনি গোৱবো ৰিখা  
সিঁনি পানজাৱিনিফ্ৰায় ৰিৱলাংৰায ফৈলাব অৰ্খাংআব।  
সানদোঁমোন আং,  
মোজাং মোনলায়নাযা সুবুঁনি জিউযাব সুথুৱ নামা?  
না, মোজাং মোনলায়নাযা সুবুঁনি জিউখৌ আস’কান্দা  
খালামো?  
নাথায়....।  
আঁনি মোজাং মোন্নাযা বেৰাযদি  
জাগোন হোন্না সানাত্ৰৈমোন।  
মাদি মোসো–  
আয়জো মাহাৱনি দানো দং, দানো গৈযা,  
উৰাং ফাৱাং।  
দাসো মিথিনা মোনৰায আং বে  
জোনোমাব মোজাং মোনলায়নাযা সুবুঁনি  
জিউখৌ আস’খান্দা খালামো।

**মুন্নি জোঁমা ব্ৰহ্ম**  
**গামি:– মিডিল ষ’ধকাটা**  
**লা:সো:–** **বনৰগাব,**  
**জিল্লা–** **কক্ৰাঙ্গাৰ, ৰিটিসি ( আসামা )**

### জোবথা বুৰ্ৰিনি ফিথাড়

জিউ ফৰ্দাখৌ  
জেৰ্ৰা বোলাদোঁ,  
অৰ্ৰলা নুৰায–  
জিউআনো লাথিখ’সো।  
দাসো হমদাং হাৰায,  
থানায বোথোৱাব  
জা মাৱদোঁ  
গোৱোন্থিল’ মাৱদোঁ।  
মিথিআ মাদি জাগোন,–  
বেলাসি বুৰ্ৰিআব,  
জিউনি ফিথায়আ॥

**মুন্নি দেতসুঁ ৰৱগয়াৰী**  
**গামি:– আমগুৱি**  
**জিল্লা–** **কক্ৰাঙ্গাৰ, ৰিটিসি**।

## নোঁখৌ লোগো মোননানৈ

আয়’ হাৰাৰ’ – বে সমাঈনা–ৰমাঈনামোন  
আং লোগো মোন্নায ৰৰ’ সিখোলা ৰজেআ  
মেগন ৰেৱস্ৰাং–স্ৰাং, খাবলাঈ–ফাবদুৱ–দুৱ  
গুসথি জাৱৌ–ৰৌ, গুফুৱৈ গাবদাং–দাং  
মিনিব্ৰলু মিনিনাযআ নোঁনি  
লাজিসুলি মৰহনি ৱানি মনালিসা।  
জাৰাঈসো আঁহা বে দিননিফ্ৰায়নো  
হোঁমা–হোঁসা, দুখু –দাহা, গোৰোঁআব  
লুৰৈযো ৰজে নোঁনো অন্নায় হোনো  
নোঁনিফ্ৰায় ৰজে নোঁখৌ মোনোবোলা.....  
নাথায় নোঁখৌ মোনগোন মাৰ্ৰৈ মনালিসা।  
অনজালি হোন্না নোঁখৌ সিৰিগোন ৰজে  
জিউনি ৰাজখুঁগ্ৰি হোন্না অৰায় সম সিৰিলাংৰায থাগোন  
মোজাং মোননাযনি ৰাশ্ৰাফোৱখৌ ফোৱমাঈ লাঈগোন স’না;  
বুঁজাসে মোজাং মোননাযনি থপ্ৰলাখৌ নোঁনো হোগোন  
নোঁখৌ মোনোবোলা নোঁ আঁনাব ফৈযোবোলা মাঈনাব।  
অৱ ৰাযদি খামগিল্যো নোঁখৌ সানব্ৰলাথাঈ  
সিলা ৰাযদি সাবখাংনো লুৰৈযো নোঁখৌ নুৰ্ৰলাথাঈ  
গসাঈনাব আৱ’জ গাবপ্ৰলাঙে নোঁখৌ মোননো  
হাঈনাৱি মৰহ গোসা নোঁ ৰজেখৌ গোসো খাংৰালাথাঈ  
নাথায় মোনগোন মাৰ্ৰৈ নোঁখৌ সাৰাথিয়াৱনো নোঁ ফৈযা।  
গোথাৱ অন্নায়খৌ নোঁনো হোজোবগোন ৰজে  
সানৈজোঁ মোজাং মোন্নাযনি দৌলৈখৌ গোৱা খাজ্ৰাঈগোন  
দুখু–সুখুখৌ ৰুজুননা জোঁ থাজ্ৰাঈগোন  
সানৈজোঁ গোথাৱৈ সথ–ৰাংসা লালাঈগোন  
অন্নাঈ হোগোন, গোথাৱৈ জুলি জাগোন  
মোনোবোলা নোঁ মৰহনি ৱানি সিখোলা ৰজেখৌ।

**শ্ৰী থমাস বসুমতাৰী**  
**জনতা কলেজ সেৱফাংগুৱি**  
**গামি:–** **সে নং মহেন্দ্ৰপুৱ**  
**লা:সো:–গড়িয়া ( কসুগাব )**।

# चीनआ लाडाखआव गोदानै गनै काउन्टि बानायदों

**गोदान दिल्ली, 22 मार्च:** मिरु सरकारआ संसदआव मिथिहोदोंदि, चीनआ गोदानै बानायनाय गनै काउन्टिनि बागै खौरां मोन्दों, जायनि माखासे बाहागोआ लाडाखनि बेंखनआव गोल्लैयो।सरकारआ बुंदोंदि, बेखौ गोखों अजद थिसन्नाय जादों।गुबुन हादरयारि राइज्यो मन्थ्रि किर्ति बर्धन सिंआ लकसभायाव मोनसे सोंथिनि लिरनानै होनाय फिन्नायाव बुडोदि, भारत सरकारआ बै ओन्सोलाव भारतनि हायाव आइन बेरेखायै चीननि दखल खालामनायखौ माब्लाबाबो गनायनाय नडा।गोदान काउन्टि



बानायनायजों बे ओन्सोलाव भारतनि सबारेन्टिनि बागै भारतनि गोलाव समनि मोन्थाय आरो दिदोम थासारिआव जेबो गोहोम

गोल्लैनाय नडा आरो चीननि आइन बेरेखायै दखल खालामनायाबो आइनारि होन्ना गनायजानाय नडा।सरकारआ

राजथान्देनि गेजेरजों बेफोरनि बागै गोखों अजद थिसन्दों।गुबुन हादरयारि मावख'नियाव सरकारआ लाडाखआव हटन

ओन्सोलाव चीनआ बानायनाय गोदान गनै काउन्टिनि बागै खौरां मोन्दों ना मोनाखै? मिथिनो मोन्दोंब्ला बेनि थाखाय सरकारआ मा सोलोखान्थि आरो राहा लामा सानखांदों? सरकारआ अक्साइ चीन एरियाआव चीननि बांबोनाय खुंथायारि आरो गुदि बिथायारि जौगाखांहोनायजों मोगा-मोगि खालामनो थाखाय माबाफोर गोलाव समनि सोलोखान्थि बानायदों नामा? होन्नानैबो सोंथि खालामो।बेफोरसोंथिनि फिन्नायाव गुबुन हादरयारि राइज्यो मन्थ्रिआ बुंदोंदि, भारत सरकारआ चीननि हटन राइज्योआव गोदान गनै काउन्टि गायसन्नायजों लोब्बा थानाय चीननि फार्सेनिफ्राय फोसावनाय थांखिखौ मिथिहोयो। बे काउन्टिनि माखासे बाहागोआ भारतनि मिरुजों खुंजानाय लाडाखआव गोल्लैयो।चीनआ सिमनाजों नांजाबनाय ओन्सोसफोराव गुदि बिथा जौगाकां होगासिनो थानायखौबो सरकारआ मिथिगो।□

## ग्रीन कार्डनि थाखाय आमेरिकानि नोगोरारिखौ जुलि लायोब्ला जेल जानांगोन होन्ना ट्राम्प सरकारआ सांग्रांथि होदों

**निउयर्क, 22 मार्च:** आइन बेरेखायै हादतआव थाहैनायफोरखौ होबथानायनि थाखाय ट्राम्पआ गुबुन-गुबुन गोखों थांखि आजावनायखौ नुनो मोनगासिनो।हादतगिरि ट्राम्पनि नोजोराव बैबो दायनिगिरि एबा क्राइम, जाय ग्रीन कार्ड मोनो थाखाय गेना-खान्थि खालामना आमेरिकान नोगोरारिफोरखौ जुलि खालामो।इउ एस सि आइ एसआ बेखौ गोब्राब दाय एबा क्राइम होन्नानै दायनिगिरिया बेनि थाखाय



गोब्राब बिजाउनजों भुगिनांगोन होन्ना सांग्रांथि होदों।एजेन्सिया बुंदोंदि, सोरबाया सोलो खालामनानै इमिग्रेसन आइन बादियै नायबिजिरनायनिफ्राय

बारग'नो जुलि खालामोब्ला सेक्सन 1325 (सि) जुलिनि थगायनाय आइन बादियै 5 बोसोरनि जोबथेसालियाव साजा भुगिनांनो हागौ।मख'जाथावदि, आमेरिकायाव नोगोरारि मोन्नायनि बयनिखुइबो गोरलैसिन लामायानो जादों बैयावनि नोगोरारिखौ जुलि खालामनाय।फारसेथिं, माखासे बिथिडाव आमेरिकान नोगोरारिया रां लानानैबो जुलि खालामो आरो

उनाव फाथैलाइ बिसियो।ट्राम्प खुंथायनि बायदिब्ला, जुदि सोरबा गुबुन हादतआरिआ बिब्दि खालामोब्ला, बियो कौटि-कौटि रां जुरिमाना आरो इमिग्रेसन्सि जेनाजों मोगा-मोगि जानांनो हागौ।एजेन्सिआ सरासनसा सुबुंफोरखौबो बिब्दि जुलिनि बागै खौरां मोनोब्ला एबा इमिग्रेसननि गोरोन्थियै मुलाम्फा दैखांग्राफोरनि फोरमान मोनोब्ला बेखौ गथायनो खावलायदों।बेनि अनगायै आमेरिकान खुंथाया आमेरिकायाव थाहैनाय इमिग्रेन्ट्सनि थाखाय मोनसे सांग्रांथि फोसावदों, जायफोर लाख-लाख सुबुंफोरनि जिंगाखौ बांहोदों।आमरिकान सरकारनि बिफानआ गावनि अफिसियेल सशेल मिडिया एकाउन्टआव मोनसे पस्ट शेयार खालामदों।□


## मणिपुर पुलिसआ हरिमायारि गारि खावनायनि सायाव नायबिजिरनानै गनै कारफोरखौ जब्द खालामो



**इम्फल, 22 मार्च:** हरिमायारि गारि खावनाय रेकेटनि हेंथायै नायबिजिरनायाव मणिपुर पुलिसआ शनिबारखालि बिबानगिरिफोरनि बायदिब्ला, थांनाय 24 घन्टयाव थौबल जिल्लानिफ्राय गनै गारिफोरखौ जब्द खालामो।बिबानगिरिफोरा फोरमायनाय बायदिब्ला, थांनाय शुक्रबारखालि सान्जौफुआव थौबल जिल्लानि लिलं पुलिस स्टेसननि गेजेरजों उशइपक्मी गामियाव गारि खावनाय रेकेटनि हेंथायै सिग्रोमो।पुलिसआ मोनसे खौरांनि उनाव नायबिजिरनायखौ जागायो।अदेबानि माखासे सिखावफोरा हरिमायारि मटरसाइकेल आरो चारपहिया गें गारिफोरखौ खावनो बिथांखि बानायगासिनो दडमोन।मणिपुर पुलिसनि रिपर्टयाव बुडोदि, लिलं पुलिसआ थौबल जिल्लानि लिलं-पिएसनि गेजेरजों एनएस्-102 नि खाथिनि उशइपकपिनिफ्राय खावनाय गारिखौ जब्द खालामो।जर'खायै आसाम पुलिसआ बावैसो सिगां आसाम आरो मणिपुरनि गेजेराव सालायनाय मोनसे जुथाय मटरसाइकेल सिखाव खावग्रा हान्जानि सा 11 सोद्रोमाफोरखौ ग्रेप्टार खालामो, जेराव गं 13 सिखाव खावनाय मटरसाइकेलफोर आरो गं 3 कारफोर जब्द' खालामो।मणिपुर पुलिसआ फोरमायनाय बायदिब्ला, गेनै बोखांनो हानाय कारफोरखौ आथिखालाव नायबिजिरगासिनो दड।□

## पनामानि प्रशान्त लैथोमायाव गोखों बांग्रि मावदों

**पनामा सिटि, 22 मार्च:** पनामानि प्रशान्त लैथोमायाव शुक्रबारखालि बांग्रि मावयो।इनाइटेड स्टेट्स जियल'जिकेल सार्भेनि बायदिब्ला, बांग्रिनि मिरुआ प्रशान्त लैथोमायाव बुरीकानिफ्राय गासै 123 किल'मिटर खोला-सान्जाहामोन आरो बेनि गोखैथिया 6.2 रिक्टरमोन।बांग्रिनि मिरुआ हा सा बाहागोनिफ्राय 10 मिल'मिटरनि गोथौयावमोन।माहारियारि नोगोरारि रैखाथि



सिबिथाय मिरुआ बुडोदि, गेजेर पनामानि माखासे ओन्सोलफोरवबो बांग्रि मावो।नाथाय बैयाव रावनिबो जोखोम

जानाय एबा खहा जानायनि खौरां मोनाखै।भारतजों लोगोसे गासै मुलुगाव बांग्रि मावनाय जाथायफोरा बावैसो



नैथि खेब गावसोरनि गारिफोरनि बेसेनफोराव बांहोगासिनो दड।बिएमडब्लिउआ बुहोदि, बिसोरनि कारफोरनि गोदान बेसेनफोरा 2025 नि 1 एप्रिलनिफ्राय गोहोम गोल्लैगोन।बिएमडब्लिउनि सिगां बृहस्पतिबारखालि रेन' इन्डियाआबो गावसोरनि गारिफोरनि बेसेनफोराव बांहोनो फोसावदोंमोन।फ्रान्सनि अटमबाइल मेनुफेक्सारिं

कम्पानी रेन'आबो 1 एप्रिलनिफ्राय गावसोरनि गासै मडेलनि बेसेनफोराव 2 जौखोन्दोसिम बांहोनो फोसावो।सुलुनि बादिब्ला, 2023 नि फेब्रुवारिनि उननिफ्राय रेन' इन्डियानि गेजेरजों फोसावनाय बेयो गिबि प्राइज हाइक।बेनि सिगां मारुति सुजुकी, हुन्डाइ, क्रिया आरो हन्डाजों लोगोसे आरोबाव माखासे कम्पानीफोरा गावबा-गावनि गारिफोरनि बेसेनआव बांहोनो फोसावदोंमोन।बे गासै कम्पानीफोरा गारिफोरनि बेसेनआव बांहोनायनि जाहोनखौ गुबुन बेसादफोराव बेसेन बांनायखौ फोरमायदों।बयनिखुइ सिगां मारुति सुजुकीआ गावसोरनि गारिफोरनि बेसेनआव बांहोनो फोसावदोंमोन, जायनि उनाव लासै-लासै गासै कम्पानीफोरानो गारिफोरनि बेसेनाव बांहोनो फोसावगासिनो दड।बे गासै कम्पानीफोरा 1 एप्रिलनिफ्रायनो गावसोरनि गारिफोरनि थाखाय बेसेन बांहोनायखौ जागायगोन।□

## इउपिनिफ्राय लानानै राजथावनि दिल्लीआव बिदुडा बांसिगोन

**गोदान दिल्ली, 22 मार्च:** सा भारतआव आथिखालाव लासै-लासै बिदुडा बांबोगासिनो दड।शनिबारनिफ्रायनो इउपिनिफ्राय लानानै राजथावनि दिल्लीआव बिदुडा बांगोन।आथिखालाव अखाडा स्राडै थानाय आरो गोखों सान्दुं ओंखारनायजों बिदुडाबो लान्थियै बांगोन।फैगौ 6 साननि गेजेराव बोथोरआव सोलायनायनि जेबो गोहोम नुनो मोनाखै।आइएमडिआ फैगौ साननैसिमआव जम्मु-काश्मीर, हिमाचल प्रदेश आरो उत्तराखन्डआव बरफ गोल्लैनायजों लोगोसे अखा हानायनि सन्देह फोरमायदों।जायनि गोहोमजों दिल्ली-एनसिआर, हरियाना, पान्जाब, इउपि आरो बिहारआव अखा खोरोमनायजों लोगोसे सरासन्सानिफ्राय गेजेर ताखोनि अखा हानायनि सन्देह फोरमायदों।बेनि गेजेरजों दिल्लीआव शुक्रबारखालि मेक्सिमाम बिदुंखौ सरासन्सानिफ्राय 1.5 डिग्रा बांसिनै 32.8 डिग्रा सेल्सियास।



बेराफार्से मिनिमाम बिदुंखौ सरासन्सानिफ्राय 16.5 डिग्री सेल्सियासै दैखांनो मोन्नाय जादों।बारआव सिदोमानि थाखोआ 84 निफ्राय 24 जौखोन्दो जादों।बोथोर बिफाननि हमदांनाय बादिब्ला, शनिबारखालि अखाडा स्राडै तागोन।साननि समाव सान्दुं ओंखारगोन।बेनि गेजेरजों मेक्सिमाम आरो मिनिमाम बिदुडा 34 आरो 16 डिग्री सेल्सियास थानो हागौ।26 मार्चसिमआव बेयो 37 आरो 20 डिग्रीसिम सौहैगोन।बेराफार्से दिल्लीनि बाराबो लान्थियै गोम्गोयै बारगासिनो दड।सिपिसिबिनि बादिब्ला,

शुक्र बारखालि दिल्लीनि एकिउआइआ 144 एबा गेजेर थाखोआव थायो आरो सानसे सिगां बृहस्पतिबारखालि बेयो 156 मोन।बबेकानि 24 घन्टानि गेजेराव बेयाव 12 अन्जिमा खम दैखांनो मोन्नाय जादों।उत्तर प्रदेशआव सोनाबयारि नारसिन्थायनि गोहोमजों शुक्र बार आरो शनिबारसिमआव माखासे बाहागोफोराव अखा खोरोमनायजों लोगोसे अखा हानायनिबो सन्देह दड।24 मार्चसिमआव गोदान सोनाबयारि नारसिन्थायाबो फैनो हागौ।□

## सा 388 भारतयारिफोरखौ आमेरिकानिफ्राय दैथाय हरफिनबाय: रिपर्ट



दैथायहरदों।गुबुन हादरयारि राइज्यो मन्थ्रि किर्ति भर्धन सिंआ लकसभायाव लिरनानै होनाय फिन्नायाव आमेरिकाआ पनामानि लामाजों फालांगियारि उरां जाहाजफोरजों सा 55 भारतयारि नोगोरारिफोरखौ दैथायहरफिन्दों।गुबुन मोनसे सोंथिनि फिन्नायाव मन्थ्रि किर्तिआ दुिंदि, आमेरिकानि इमाइग्रेसन आरो सिमना टेक्स सामलायग्रा बिबानगिरिफोरा

बावैसो सिगां भारतजों सा 295 सुबुंफोरनि सोमोन्दै खौरां शेयार खालामदों, जायफोरखौ आमेरिकानिफ्राय दिहुनहरनो थाखाय जिम्मायाव दोन्दों।बिथाडा बुंबावोदि, 12-13 जानुवारिआव गाहाइ मन्थ्रि मदिआ आमेरिकायाव दावबायहैनाय समाव आइन बेरेखा हाबसनहैनाय नेटवर्कनि सायाव गोखों एक्सन लानानै रैखाथि गोनां, राहा गोनां आरो

आइनारि थानायखौ रोखा खालामनायनि थाखाय गोनांथारै सावरायदोंमोन।भारतआ 5 जानुवारिआव आमेरिकायाव बागलायहैनाय उरांआ बिथा गैजायै सुबुंफोरजों आखु दिन्थिनाय, जर'खायै आइजोफोरखौ जिन्त्रिजों खानायनि लोब्बायै आमेरिकान बिबानगिरिफोरनि सिगाडाव जिंगा फोरमायदोंमोन।□

## इजराइल सान्थिफोरा गाजायाव हाबनानै गंसे केन्सार देहा फाहामसालिखौ सिलिंखार खालामदों

**येरुशालेम, 22 मार्च:** इजराइल सान्थिफोरा आथिखालाव गाजा पट्टीआव आरो सिंसिम हाबलांदों।बेनि उनाव बिसोर दावहाजों भुगिनांनाय ओन्सोलनि गंसे केन्सार देहा फाहामसालिखौ सिलिंखार खालामदों।हमासनि हेंथायै इजराइल सान्थिनि गोदान हाबाफारिफोरा गाजायाव दावराव-दावसि सोमजिहोयो।थांनाय सानब्रैनि गेजेराव इजराइलनि गाग्लोबनायाव 500 निखुइ बांसिन फिलिस्ताइनफोरनि जिउ गोमाबाय।इजराइल सान्थिफोरनि बुंनाय बादिब्ला, जेब्लासिमआव हमासआ बिसोरनि जर'खा जोबथेना लाखिजानायफोरखौ हगारा अब्लासिम इजराइलआ बांसिन ओन्सोलफोरनि सायाव बेंखन्नानै लागोन।जाय देहा फाहामसालिखौ इजराइलआ सिलिंखार खालामदों, बेयो



गाजाखौ बोखावग्रा नेतजारिम करिडरआव दड।हमासजों लोगोसे दावहा सिफायनायनि माखासे सम उनाव बे सप्ताहआव इजराइलआ ओन्सोलखौ गावसोरनि कन्ट्रलआव लाफिनो।बे दावहा दोन्थ'नायनि जाहोनाव जानुवारि जोबनायनिफ्राय गाजायाव गोजोन थासारि सोलियो आरो 2 दर्जननिखुइ बांसिन जोबथेना लाखिजानायफोरखौ बख'नायाव मदद मोनो।अदेबानि इजराइल सान्थिफोरा तुर्की-फिलिस्ताइन मैत्री देहा फाहामसालिआव गाग्लोबो।

मानोना दावहानि समाव बेयाव देहा फाहामगिरि आरो बेरमिफोर सौहैनो हायाखैमोन आरो हमासनि दावहारफोरा बेयावनिफ्राय दावहा नांबाय थादोंमोन।देहा फाहामसालिनि अन्कलजी बिफाननि गाहाइ डा: अल जकजुकआ बुंदोंदि, दावहा दोन्थ'नाय समाव मोनसे फाहामगिरिनि टीमआ देहा फाहामसालिआव दावबायना बेयावनि खहा जानायनि सोमोन्दै मिथियोदि, दासिमबो बेयावनि फाहामथायारि खाबुफोरा गहाम नडामोन।□

गह्राह मावेकु सद्रामा प्रमद बेर खा लानां जाय रजखाथ्यायार बिबुंथि हदामान, तिन बा बिबुंथिखालानाने फिन फिनाय होफिफनायाव हाग्रामा महिलारीनिसिम इडपिपिएल दोलोनि बोसोनगिरि आरो रजख्योनिकेबेनित मन्थि उखाव गोर ब्रह्मआ बिबुंथि होफिनदो । बिबाछा बुंदोंदित, 2020 माइथायाव इडपिपिएल दोलोआ हारसिडेनो बिसायख थि बादयालयादोंमोन आरो 5 बोखोसनाइड बिटिआर खुंथाय सामलयायासिनो दड । बे बिबिथिछाव इडपिपिएल दोलोआ आगुनिक्राय जोबोद गोखोंसो जादों, बे बाथ्राखी हाग्रामा महिलारीआ गावबोमिबथि मोनो । बिबाछा लोगोसे बुंदोंदित, गुबैयै हाग्रामा महिलारीआ आथिखालाव हाग्रामो हारसिं जानो थंगासिनोदड । बिपिएफ दोलोआव आथिखालाव दैदेनगिरिनि आंखाल जाबाय । हाग्रामा महिलारीनि जानाने आथिखालाव दोलोआव बिपिएफनि दैदेनगिरिफोर गैलिया । मानोना बिपिएफ दोलोनि गागि दैदेनगिरिफोर आथिखालाव बिपिएफ दोलोआव गैलिया, हाग्रामाया गुबैयै हारसिं जाबाय । फैगौ बिटिसि बिसायख थियाव हाग्रामा महिलारीआ बिपिएफ आरो गावनि सानाय-हनायजों बिसायख थियाव बादयालयानो हनाय नड, बिबाछा सोरनिबाफुथुला जानाने मोसानांगोन होन्ना मख थियाव बिबुंथि होदों । फैगौ बिटिसि गैथुमारि बिसायख थियाव जुथाय दोलोआव थानाय बिजेपि लोगोसेनो बिपिएफ, कंग्रेस दोलोआ जेसेबां हारसिं एबा आलादा-आलादायैबिसायख थि बादयालयागोन, बेबादियाव इडपिपिएल दोलोआ एसेबांनो मुलाम्मा जागोन । बिटिसि गैथुमारि बिसायख थियाव इडपिपिएल दोलोआ हारसिडेनो बाडयैबो मोन 22 मांसि मोनगोन होन्ना मन्थि उखाव गोर ब्रह्मआ दावि खालामदों । अन्थाइ खाम्पा गायसन्नाय हाबाफरियाव हा सरखाथिया बिफाननि चिरां समन्डल बिबानगिरि नसिबुर रहमान, हाया ओन्सोल बिबानगिरि एबा अरुसाहिर, जायगानि रइजो-रजाफोरजों लोगोसे इडपिपिएल दोलोनि माखासे दैदेनगिरिफोर बाहागो लाफैदों ।

# गाहाम देहानि राहा

## गोलोम बोथोराव बिटआ सावस्त्रिनि थाखाय मुलाम्फा गोनां

बिटआ गोबां सावस्त्रि जे'नाफोरखौ सुस्त्रानायाव गोहोम गोनां जानो हागौ। सावस्त्रि रोंग'साफोरा गोबां समावनो बिट जानो सुबुरुन होयो मानोना बेयो मुलियारि गुनफोरजों बुंफबनाय। बिटनि गुनफोरा गुसु जायो। बेनिखायनो गोलोम बोथोराव बिट जानाया गोजां बोथोरनि रुजुनायाव बांसिन मुलाम्फा गोनां जानो हागौ। बिटआव मेगनीज, पटेशियाम, आयरन, फ्लेट, भिटामिन ए, भिटामिन बि6 आरो भिटामिन सिजों लोगोसे गोबां निउट्रियेन्टफोर थायो। माखासे सुबुंफोरा सालादआव सोनानै गोथां बिटखौ जायो। सावस्त्रि रोंग'साफोरनि



बायदिब्ला, संनानै जानायाव बिटआ बांसिन मुलाम्फा गोनां जानो हागौ। जुदि नोंथाड मोजां मोनोब्ला बिटखौ रुनानै जानोबो हायो। थार बिबाडव आरो थार लामाजों बिट खौ जानानै सावस्त्रिखौ गोबाडैनो गोखों खालामनो हायो। बिटआ होबथानो हानाय गोहोखौ बांहोनायाव गोहोम गोनां जानो हागौ। बिट खौ बिबुनि

सावस्त्रिखौ साबसिन खालामनो थाखायबो जानो हायो। देहायाव थैन आंखाल जादोंब्ला बिटखौ जानांगौ। बिटआ मेलेमारि सावस्त्रिनि थाखायबो जोबोद मुलाम्फा गोनां जानो हागौ। बेखौ बिखाजों सोमोन्दो थानाय बेरामफोरनि खैफोदखौ बाडय खालामनो थाखाय बाहायनो हायो।□

## सलमान खाननि 'सिकन्दर' सावथुननि एडभान्स बुकिंआ इउएसएआव जागायबाय

2025 माइथायनि मच अवेटेड सावथुन 'सिकन्दर' आ थाबैनो सिनेमा हलफोराव नुजाधिसिगोन। से खावसे बोसोरनिफ्रायनो गिदिर पदनिफ्राय गोमानानै थानाय सलमान खानखौ फिन एक्सन खालामनाय नायनो थाखाय अन्साइगिरिफोरा उसु-खुथु जादों। सावथुनआ इदनि फोर्बॉनि समाव रिलिज जागोन, बेनि गेजेराव सावथुनखौ दोहौ सोमजिहोगोन होन्ना आसा खालामनाय जादों आरो दानिफ्रायनो बेनि गोहोम गोरलैनायखौ नुनो जागायदों। सलमान खाननि फैनो गोनां



सावथुन सिकन्दरखौ एआर मुरुगदासआ बिथोन होदों, जाय गजनी, दरबार आरो सरकार बायदि सावथुनफोरखौ बानायखांबाय। आथिखालाव सावथुनखौ लानानै गोबां सावरायनाय सोलिगासिनो दं। सावथुननि टिजार आरो पस्टरसआ

नायगिरिफोरनि एक्साइटेड जानायखौ आरोबाव बांहोदों। रिलिजनि अक्टआ खाथियाव फैनाय लोगो लोगोनो सावथुननि एडभान्स बुकिंनि थाखाय सिनेमा हलफोराव टिकेट फानग्रा खिरिखिखौबो बेखेखेना होनाय जादों। सिकन्दर सावथुना रिलिज

जानो थाखाय 8 सान दंबावो, नाथाय भारतआव दासिमबो बेनि एडभान्स बुकिं आ जागायाखै। बबेखानि इउएसएआव बेखौ लानानै जोबोद क्रेजि जानायखौ नुनो मोन्दों। बावैसो सिगां इउएसएआव सिकन्दर सावथुननि एडभान्स बुकिंआ जागायबाय आरो दानिफ्रायनो सावथुना कौटि रां आरजिनो जागायबाय। सलमान खाननि सिकन्दर सावथुना इउएसएआव गासै 504 स्व'फोर मोन्दों। बबेखानि फावखुंगुरनि बांसिन सावथुनफोरनि रां आरजिनाया भारतआवनो जायो, नाथाय बे

खेबाव अन्जिमाया गुबुन हादरवनो बांसिन जादों होन्ना मिबथि होदों। रिपर्टनि बायदिब्ला, एडभान्स बुकिंआ जागायनाय लोगो लोगोनो एक्सन थ्रिलर सावथुना 16,047 डलार (13 लाख 6 रोजा रां) आरजिनो हाबाय। जेराव इउएसएआवनो बिब्दि जादोंब्ला थारैनो भारतआव बेनि एडभान्स बुकिं आ जागायोब्ला दोहौ सोमजिगोन। रिपर्टनि बायदिब्ला, सलमान खाननि सिकन्दर सावथुनखौ सेन्सर बर्डनिफ्राय पास खालामनाय जाबाय आरो बे सावथुना इउए सार्टिफिकेट मोन्दों। मख'नो गोनांदि, 23 एबा 24 मार्चसिमाव सिकन्दरनि ट्रेलारआ नुजाधिनो हागौ। सावथुना 30 मार्चखालि सिनेमा हलफोराव रिलिज जागोन।□

8 बोसोर उनाव सिनेमा हलफोराव नुजाधिनो। जलि एलएलबिनि नैथि खोन्दोआ 2017 आव नुजाधिदोंमोन, जेराव अक्षय कुमारजों लोगोसे लिड फावआव अनु कापुर आरो

हुमा कुरैशिया दंमोन। सावथुनाव सौरभ शुक्ला सयानि गुप्ता आरो मानव कौशलआबो गाहाइ बिफाव होदोंमोन। बबेखानि गिबि खोन्दोआ 2013 आव नुजाधिदोंमोन, जेराव अरशद

वुडो, आंहा रायज्जालयनांगों दं, अब्ला मिबथिनो मोनो जे खैफोदआव दं। अभिषेक बच्चन आरो एश्वर्या रायनि जुलिया 17 बोसोर जाबाय। सानैजों 2007 आव गाजा गोमजायै जुलि जादोंमोन। आथिखालाव बिथामोनहा सासे अनाथवाथाव फिसाजोनि बिमा-बिफा जाबाय, जयानि मुडनो जादों आराध्या बच्चन। मख'नो गोनांदि, बिथामोनहा बि-टउननि साबसिन ज'राफोरनि गेजेरावै ज'रासे होन्ना सानफा जायो, नाथाय माखासे सान सिगां बिथामोननि गावस्त्रालायनाय खौरंआ सुबुंफोरखौ गोमोहाब होदोंमोन।□

## 'दा इलेक्ट्रिक स्टेट' सावथुनखौ गिदिर बाजेटआव बानायनाय जादों

अटिंतिआव गिबियाव बाडाइ बाजेटनि सावथुनफोरा बांसिन रिलिज जायोमोन, नाथाय आथिखालाव गोबां प्लेटफर्म्सनि पपुलेरिटि जाहोनाव गिदिर बाजेटनि सावथुनफोरखौबो नेटफिल्क्स आरो प्राइम भिडिअ बायदि स्ट्रिमिं प्लेटफर्मआव नुनो मोनो। बबेखानि नेटफिल्क्सआव बावैसो सिगां मोनसे मस्ट आपडेट आरो गोबां मुंदांखा स्टारफोर थानाय सावथुन रिलिज जादों। 320 डलारनि बाजेटआव बानाय जानाय बे सावथुना प्रिमियारनि उनाव फ्लप जादोंमोन। भारतनि कारेन्सियाव बेनि बाजेटआ खमैबो 2,656 कौटि रां जागोन। स्ट्रिमिं प्लेटफर्म आ बांसिन जागायजेन्नायाव बाडाइ बाजेटनि सावथुनफोरखौ लाबोयोमोन, नाथाय आथिखालाव गिदिर बाजेटनि सावथुनफोरखौबो रिलिज खालामगासिनो दड। बबेखानि बिब्दि खालामनाया जेब्लाइबो थि जाया। बिब्दिनो



माखासे नेटफिल्क्सनि लेटेस्ट सावथुनजों जादों। बलिउड लाभार्सफोरनि थाखाय 50 कौटि रनि बाजेटआव बानाय जानाय सावथुनआबो जोबोद गिदिर जायो। हलिउडनि बे मुंदांखा सावथुननि बाजेटखौ मिबथिदोंब्ला माखासे सुबुंफोरा गोमो हाबदों जानांगौ। बे सावथुननि मुडा जादों 'दा इलेक्ट्रिक स्टेट' जायखौ 320 मिलियन डलारआव बानायनाय जादोंमोन। मिबथि होनाय जायोदि, बे सावथुनखौ रुस'

ब्रादार्सआ बानायदोंमोन, जायखौ सिटाडेल, एभेन्जार्स बायदि सावथुनफोरनि थाखायबो मिबथिनाय जायो। दा ग्रे मेनखौ बिसोरो 200 मिलियन डलारनि बाजेटआव बानायदोंमोन। अदेबानि दा इलेक्ट्रिक स्टेटजों लोगोसे बिसोरो गावसिनिनो सावथुननि बाजेटखौ उन फारसे खालामदों। कास्टनि बाश्त्रा सावरायोब्ला बेयाव क्रिस प्रेट आरो मिली बबि ब्राउनआबो लिड फावआव दं। नेटफिल्क्सआव रिलिज जानाय

बे सावथुना हादतनि 13थि बयनिखुइ बेसेन गोसासिन सावथुन जादों। 2020 आव रुस ब्रादार्सआ बे सावथुननि थाखाय राइटस लादोंमोन। इउनिभास'ल पिक्चार्स आ गिबियावनो बे नि डिस्ट्रिबिउसन राइटसखौ लायो, नाथाय उनाव बेनि बाजेटखौ नुनानै फासयो। बेनि उनाव नेटफिल्क्सआ बेखौ गावसिन प्लेटफर्मआव रिलिज खालामदोंमोन नाथाय सावथुना फ्लप जादों।□

## रानि मुखार्जीआ गावनि जोनोम जानाय समनि माखासे बाश्त्रा मिबथि होदों

सेलिब्रिटिफोरा जेब्लायबो गावसिनि उन्दै समनि मुजिथावना सल'फोरखौ शोयार खालामो, जाय अन्साइगिरिफोरखौ गोमोहाब होयोबो। सानसेखालि सासे बलिउडनि फावखुंग्रिया गावनि जोनोम जानाय समनि मोनसे जाथायखौ मिबथि होदोंमोन। बे सल'खौ खोनायोब्ला नोंथांमोनहाबो गोमो हाबगोन। आथिखालाव बिथाड हिन्दी सावथुन मुलुगनि बयनिखुइ देरसिन फावखुंग्रिफोरनि मादाव सासे। फावखुंग्रिनि जोनोम जानायनि उनाव बियो गुबुनजों सोलाय-सोल' जादोंमोन। जों सावरायगासिनो दं रानि मुखार्जीनि बाश्त्रा। रिपर्टनि बायदिब्ला, जेब्ला रानि



मुखार्जीनि जोनोम जादोंमोन अब्ला देहा फाहामसालियाव गुबुन गथ'जों सोलाय-सोल' जादोंमोन। रानिनि बिमा कृष्णा मुखार्जीआ थाबैनो बे सोलाय-सोल' जानायखौ हमनो हायो आरो मिबथि होयोदि, बे गथ'या रानि नडा। मानोना बनि मेगना ब्राउन गाबनि नडमोन। देहा फाहामसालिनि मावसुमाफोरा थाबैनो बिथांखौ मदत खालामो

आरो बिमा-बिसाजोनि ज'राखौ फिन मिलाय फिनहोयो। रानिया फोरमायोदि, गथ'खौ नुनानै आनि बिमाया बुंदोंमोन, हे इशोर ! बेयो आनि गथ' नडा, आनि फिसाजोनि मेगना ब्राउन गाबनिसो। थां आनि गथ'खौ नायगिरहै। मोनफ्रोम रुमखौ चेक खालामनायनि उनाव बिथाड रनिखौ सासे पान्जाबि ज'रानियाव मोनो। रानिया

मिबथिहोबावो जेब्लायबो गावनि बिमाया गावखौ बे जाथायखौ लानानै माबोरै लाजि फोनाडो। बियो मिबथि होबावोदि, आनि जुलिया पान्जाबि नख'रावनो जादों। वार्कफ्रन्टनि बाश्त्रा सावरायोब्ला रानि मुखार्जीआ आमिर खान, शाहरुख खान, सलमान खान, सेफ आलि खान आरो माखासे टप स्टारफोरजों लोगोसे खामानि मावदों। 29 बोसोर बैसोसिमाव बिथाड कुछ कुछ होता है, साथिया, हम तुम, ब्लेक, वीर जारा, बन्ती और बबलीजों लोगोसे मोन 10 हिट सावथुनफोर होदों। बिथानि गासै प्रपार्टिआ 200 कौटि रां। फावखुंग्रिया गावनि पार्सनेल लाइफखौ पार्सनेलथैनो दोनो।□

## 'लाभ एन्ड वार' सावथुनखौ लानानै मिमनि बाना फैदों

सन्जय लिला भन्सालिनि फैनो गोनां सावथुन 'लाभ एन्ड वार' खौ लानानै गोबां मिजिंदं। बिथानि जायखि जाया सावथुना नुजाथियोब्ला जेब्लायबो खौरंआव थायो। अन्साइगिरिफोरनि मिजिंआ बनि सायाव बानी हमो। बबेखानि बनि बे सावथुनजों लोगोसे रणबिर कापुर, आलिया भाट्ट आरो भिक्कि कौशल

बायदि साथाम गोखों फावगिरिफोरा जयै फैगोन। सावथुननि लेटेस्ट आपडेटनि बायदिब्ला, सावथुनाव भिक्कि कौशल आरो रणबिर कापुर मोगा-मोगि जागोन। बियो सशेल मिडियाआव मिम्सनि फिरफिला बिरहोदों, जेराव इन्टारनेटआ सन्जय लिला भान्सालिखौ सावथुनाव केटरिना केफखौ कास्ट खालामजानो



लुबैदों। सासे इउजारआ लिरोदि, भान्सालि सार, खनसे केटरिनाखौ कास्ट खालामनानै नाय गुबै लाभ एन्ड वारआ अब्लासो जागायगोन। गुबुन सासे इउजारआ लिरोदि, सान्नानै नाय जे केटरिना केफआ लासैयै दावखो गासिनो दं, नाथाय रणबिर आरो भिक्कि सानैजों मोगा-मोगि जालायदों। मिबथि होनाय जायोदि, रणबिर कापुर

आरो केटरिना केफआ गावस्त्रा लायनायनि सिगां 6 बोसोरसिम डेट खालामदोंमोन। रणबिर कापुरआ आथिखालाव आलिया भाट्टजों जुलि जाबाय आरो बिसोरहा सासे फिसाजो दं, जायनि मुड राहा। बबेखानि केटरिना केफआबो भिक्कि कौशलजों जुलि जानानै आलो गोजोनै संसार जागासिनो दं। बेनिखायनो सशेल मिडियाआव

मिमनि बाना फैदों। आलिया भाट्टखौ जोबथा खेब 'जिगरा' सावथुनाव वेदांग रैनाजों लोगोसे नुनो मोन्दोंमोन। रणबिर कापुरखौ रश्मिका मन्डानाजों लोगोसे एनिमेल सावथुनाव नुनो मोन्दोंमोन आरो भिक्कि कौशलआ लक्ष्मण उटेकरनि 'छाभा' सावथुनजों लोगोसे बे सोलिफु बोसोरनि गिबि ब्लकबास्टर होदों।□

